

Hngakchia caah Bible

Achuahtu

A hmasa bik
Thawhtthannak
ni



Attial tu: Edward hughes

Hrilhfiang tu: Janie Forest
Alastair Paterson

A hmangtu: Lyn Doerksen

Alettu: Hre Ling


Achhuah tu: Bible for Children
www.M1914.org

©2020 Bible for Children, Inc.

Lisen: Hi tuanbia hi Zawr awk si lo in hman awk ah copy
le print tuah khawh a si.



Ngaknu cu thawngpang a tam
ngaimi tlangpar ah a dir i,
a mit nih khuaruahhar
thil a zoh. A fapa a
thi cuahmah ko.
Minu cu Mary a si.
Jesuh vailam i an
khenhnak pawngte
ah khan a dir ko.





Hi vialte hi zeitindah a
canning a si? Hi tluk in
nun aa dawhmi Jesuh nih
hitluk tthihnungmi in
a nunnak a dong
hi? Zeitindah
Pathian nih
Amah Fapa cu
vailam cungan thi
dingin nawl a pek kawh?
Jesuh nih Amah sinak in
sualnak a tuah hnga maw?
Pathian dah a rak sung hna?






Sihlah! Patian a sung lo.
Jesuh nih ze! sualnak
hmanh a rak tuah lo.
Mitthalo nih an ka thah
te lai ti cu Jesuh nih a
hngalh peng ko. Jesuh
a rak ngakchiat lio
zongah khan Simeon an
timi pa nih Mary kha
ngaihchiatnak na tong
te lai, a rak ti.




Jesuh an thah
hlan deuh ni
tlawmpal ah khan,
ngaknu pakhat a
ra i, Jesuh ke kha
zihmui a toih. "Tangka
a sawksam tuk," tiah a
zultu nih an ti. Jesuh
nih cun, "rianttha pei a
ttuan hi", a ti hna. "Ka ruak
tuamhlawmnak caah a tuahmi a si",
ati hna. Zeitluk khuaruahhar bia dah an si!



Cu hnuah, Jesuh zultu
hleihnih lakah pakhat a
si vemi Judas nih Jesuh
kha ngun tangka 30 in
tlangbawi hna sin ah
zuar dingah a
hna atla.






Judahmi Lanhtakpuai ah,
Jesuh nih a zultu hna he zanriah
hnudung bik an rak ei. Jesuh nih
Pathian kong i khuaruahharmi thil
hna le Amah a dawtu hna sinah bia
a kammi kha a rak chimh hna. Cun
Jesuh nih changreu le hrai kha
phawt awakah a pek hna. Hi hna
hi Jesuh pum le thisen
cu a misual hna
sualngaihthiamnak
pek a si hngalh
tthannak caah a si.



Jesuh nih a lamkaltu hna kha nan ka hlawt lai i, nan ka zaamtak lai, tiah a rak chimh hna. "Kan zaamtak hrimhrim lai lo", tiah Peter nih a al. "Ar khuan hlanah voithum tiang na ka hlawt lai", tiah Jesuh nih a ti.





Cu zan tlaih deuhah,
Jesuh cu Gesmaane
dum ah thlacam dingin
a kal. A mah sin i
a ummi lamkaltu
hna cu an i hngilh.
Jesuh nih hitihin thla
a cam: "Maw Ka Pa, hi
hrai hin ka luatter
ko, sihmanhselaw ka
duhnak bang siter hlah,
nangmah duhnak bang
si ko seh" a ti.



Ruah lopi ah, dum chungah mibu an ra,
Judah nih a rak hruai hna. Jesuh nih
cun zei hmanh a kham hna lo, asinain
Peter nih pakhat hnakhaw
tla ko in a sah. Daitein,
Jesuh nih mipa hna cu
a tonghpiak i a damter.
Jesuh nih an tlaih
kha Pathian
hnatlakmi a si
ti kha a hngalh ko.



Mibu nih cun Jesuh cu tlangbawi ngan inn ah
an kal pi. Cuka ah cun Judah hruaitu
hna nih Jesuh cu a thih
hrimhrim awk asi,
an ti. An pawngin,
Peter cu sinum
pakhat i mei kha
a to pah i, a
zoh ko hna.




Minung nih Peter cu Voithum tiang an ngiat i, hitihin
an ti: "Jesuh he a rak ummi kha na si maw?" an ti.

Peter nih voithum tiang
aa pheh peng. Cucu
Jesuh nih a rak
chim ningte kha a
si i, chiatserh
biakhamnak
tiang a rak
tuah.



Awaw-i-aw

Cu vial ah cun, ar a
hung khuang. Cu aw cu
Peter caah Pathian aw
bantuk a si. Jesuh bia
kha a hun hngalh tthan
i, ngaichia ngaingai
in Peter cu a tap.





Judah zong aa ngaichih ve. Jesuh
nih zei sualnak hmanh a tuah lo, ti
kha a hngalh ko. Judah nih
cun ngun tangka 30 cu a
laak i tlangbawi hna sinah
a va pek hna nain an
rak la duh lo.





Judah nih cun
tangka cu a hlonh,
a chuak i amah le
amah a vaa awk.






Tlangbawi hna nih cun Jesuh cu
Rome ramuk bawi Pilate sinah an
kalpi. Pilate nih, "Hi pa cungh
sualnak zehmanh ka
hmu lo," tiah ati hna.

Sihmanhselaw,
mibupi nih cun,
"Vailam ah that ko!
Vailam ah that ko"

tiah an au peng.




A donghnak ah, Pilate nih Jesuh
kha vailamtah dingin nawl a pek
hna. Ralkap pawl nih Jesuh cu an
thongh, a hmaiah cil an chak i fung
in an tuk. A chiahru tukmi luchin
an ser i, hling saupi an zumter, a lu
ah cun an namhchih. Cun, Jesuh cu
vailam thing cungah thah dingin an
khenhchih.




Hitihin ka thi te lai ti cu Jesuh nih a rak hngalh
peng ko. Amah cungah bochannak a ngeimi misual
hna cu Amah thihnak thawngin ngaihthiamnak an
hmu lai ti zong a rak theih cia ko.

Misual pahnih zong Jesuh
he vailam ah an tah ve
hna. Pakhat nih cun
Jesuh kha a zumh i,
Paradise ah a phan.
Adang pakhat nih
cun a zum duhlo.



Caan saupi a intuar hnuah,
Jesuh nih: "A dih cang",
a ti i a thi. A rian a
lim cang. Hawikom
hna nih pumpak
thlan ah an
rak phum.



Cun Rome ralkap nih thlan cu
chingchiahnak (seal)
an khenh i an congh.
Atu cu, ahohmanh
an lut in an
chuak kho lo.



Hi vial lawng hin tuanbia
donghnak a si ahcun zeitluk
ngaihchia dah a si hnga!
Sihmanhsehlaw Pathian
nih khuaruahhar
thil pakhat a
tuah. Jesuh cu
a thi peng lo!




Zarhkhat chung ni hmasa bik
zingkate ah, Jesuh lamkaltu
cheukhat nih thlan
kharlung aa tthial
kha an rak hmuh.
Thlan chung an
zoh tikah, Jesuh
cu a rak um
ti lo.



Nutung pakhat cu a ttap i thlan
pawngah a taang ko. Jesuh nih
cu minu sinah aa langh. Adang
lamkaltu hna va chimh awkah
rianrang in atli. "JESUH A
NUNG KO. JESUH CU
THIHNAK IN ATHO

TTHAN CANG."





Jesuh cu lamkaltu hna sinah a ra zau i a kut
thir khenhnak hmape kha a hmuh hna. A
hmaanmi a si. JESUH CU A NUNG TTHAN
CANG! Peter nih a hlawtnak kha a
ngaithiam, Amah kong kha mikip sinah
phuang dingin a chimh hna. Cu hnuah,
Krihsmas can hmasa bik lio i a rak ratnak
vancung ah a kai tthan.



A hmasa bik Thawhtthannak ni

Pathian bia ah kan hmuh mi tuanbia hi, Bible,
chung ta a si

Mathai 26-28, Luka 22-24, Johan 13-21

"Na bia thiing nih ceunak a pek."
Salm 119:1330



Adonghnak



Hi Bible tuanbia nih, khuaruahhar a si mi, a kan ser tu Pathian kha hngalh ter a kan duh. Pathian cu thil ttha lo kan tuah mi kha a hngalh, a ttha lo mi tuah cu sualnak a si. Sualnak man cu thihnak a si. Sihmanhsehlaw, Pathian nih a kan dawt tuk caah Afapa ngeihchun Zesuh Krih a kan pek i, kan mah aiawh in vailam cung ah a thi. Cu hnu ah thihnak in a tho tthan i, van cung ah a kal! Zisuh Krih kha na zumh i, na sualnak kha na ngaihchih ah cun an ngaihthiam ko lai! Na sin ah a ra lai i, nan um tti lai. A mah he zungzal nan um tti lai. Na sualnak kha kal tak na duh ah cun, hitihin Pathian sin ah thlacam: Dawt tu Pathian, Zesuh Krih cu ka caah a thi i, a tho tthan cang. Maw Bawipa, ka sin ah ra law ka sualnak viatle kha ka ngaihthiam ko. Maw Bawipa, zungzal nunnak ka ngei i na sin ah zungzal ka um nak hnga, ka sin ah ra law, ka sualnak kha ka ngaih thiam ko. Na fapa bantuk in ka nun khawhnak hnga ka bawmh ko. Amen.

Nifatin Bible rel law Pathian he i chawn uh. Johan 3:16

